



Broj: 01-225/13
Vareš, 31.07. 2013. godine

Z A P I S N I K
s 9. sjednice Općinskog vijeća Vareš,
održane 20.06. 2013. godine

Zdravko Marošević – predsjedavajući Općinskog vijeća Vareš, otvorio je 9. sjednicu s početkom u 09,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Zdravko Barkić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

Odsutni – Nema.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranilaštva – Elma Brčić, ispred Službe za privredu i finansije – Dragan Orozović predsjednici političkih stranaka, ispred JU „Centar za socijalni rad“ Vareš direktorica – Nihada Gondžo, ispred JPU „Dječije obdanište“ Vareš direktorica – Darija Kuhar i predsjednica Upravnog odbora – Halima Ahmedović, ispred JU „Opća biblioteka“ direktorica – Jasmina Šijak i član Upravnog odbora Jadranka Radoš i OSCE Terenski ured Zenica – Johanna Kisielak i Dragan Vuković.

Sekretar OV Leon Pavlović izvijestio je Vijeće o realizaciji Zaključaka sa 8. sjednice OV održane 30.05.2013. godine. Na 8. sjednici OV doneseno je pet (5) Zaključaka i postavljeno je šest (6) vijećničkih pitanja. Od pet (5) Zaključka, tri (3) Zaključka su realizovana, dok su dva (2) Zaključka u toku realizacije. Na svih šest (6) postavljenih vijećničkih pitanja, nadležni su dostavili pismeni odgovor podnosiocima pitanja.

Općinski načelnik Avdija Kovačević u okviru aktuelne problematike na području općine Vareš, Općinsko vijeće izvijestio je o posjeti Općini Vareš, Turske delegacije i biznismena koji su voljni investirati u Vareš. Dostavljeno nam je i pismo namjene, radi se o investicionom ulaganju cca 2.500.000 eura koje se odnosi na izgradnju jedne vrlo savremene i moderne tvornice za proizvodnju svih vrsta rasvjetnih armatura tzv. LED program, i uglavnom kompletan taj proizvodni program, koji bi se radio ovdje u Varešu, trebao bi da služi za izvoz u „treće zemlje“. Od dvije ponuđene lokacije, sa naše strane, a radi se o lokacijama Šijakov Potok i Kram, oni su se opredijelili za Kram. Međutim, mi objektivno imamo na Kramu određenih, još uvijek nedefinisanih problema i ti problemi nisu proizvod

našeg nerada, odnosno nerada naše imovinsko-pravne službe. Naprotiv mi smo s te strane sve odnose raščistili. Ima još uvijek neraščišćenih odnosa i određenih preklapanja, jer se određeni broj katastarskih čestica javlja kao vlasništvo bivšeg preduzeća Željezara Vareš. Obzirom da smo mi pokrenuli stečajni postupak, mislimo da ćemo moći da na vrijeme i blagovremeno odgovorimo investitoru, tako da ne bi došlo do eventualno odlaska te, po nama, jako značajne investicije.

Općinu Vareš podsjetio je pomoćnik Kineskog ambasadora za privredu koji nas je zvanično obavijestio da će firma koja je započela investiciju na Ponikvama do nove godine krenuti sa jednom novom investicijom u ukupnom investicionom ulaganju od oko 2.000.000 eura. To bi podrazumijevalo, u skladu sa projektom, dovođenje u potpuno funkcionalno stanje postojeće prerade drveta. Investicija koja bi trebala da se stavi u funkciju, podrazumijevala bi otvaranje jedne nove tehnološke linije koja bi bila u funkciji pravljenja namještaja. Gospodin Ermin Musa pomoćnik načelnika bio je na razgovoru sa direktorom IGM Visoko, zajedno sa predstavnicima kineskih investitora i mišljenja sam da će se i tu neki angažman napraviti, kad je u pitanju početak nekih radova u prostoru hale bivše stolarije u Ljepovićima, koji je IGM Zvijezda otkupila.

Održan je izuzetno važan i respektabilan sastanak sa akademskom zajednicom koja se bavi kulturom i zaštitom starih spomenika kulture ovdje u Varešu. Na čelu te delegacije, sa gotovo najrepresentativnijim mogućim imenima koja postoje iz te branše, bio je profesor doktor Dubravko Lovrenović, koji se stavio u punu funkciju da se zaista vrlo ozbiljno, studiozno i seriozno uđe u projekat revitalizacije i obnove starog grada Bobovca i naravno u perspektivi pravljenja jednog kvalitetnog, rezidencionalnog centra koji bi bio razvojna šansa i to je posao koji će se raditi u ovom mandatnom periodu, a što je u skladu sa našim progresivnim opredjeljenjima koje je Vijeće usvojilo. Na osnovu zaključka sa tog sastanka, mi smo jučer bili u Ministarstvu nauke, kulture i sporta Vlade Federacije kod gosp. Lidije i dogovorili smo se i usaglasili tajming plan, neku vrstu „operativnog plana“ naših aktivnosti i prvi sastanak (za 3. juli tekuće godine), odnosno prvu posjetu od strane te vrlo visoke i vrlo respektabilne delegacije koja treba da dođe iz Sarajeva u Vareš. Na tom sastanku bit će definisane određene stvari i zapravo u toku ove godine, kad je u pitanju Bobovac, trebali bi da uradimo slijedeće: - Suvenirnicu koja je urađena, ali još uvijek na nju nije priključena struja, trebamo u potpunosti staviti u funkciju. Okolinu te suvenirnice moramo staviti u funkciju na način kako to zahtijeva tako jedan reprezentativan spomenik. – Uz saglasnost komisije i ove akademske zajednice, uraditi jedno kvalitetno rješenje, neku vrstu kapije koja će se uklapati u ambijent u povijesna, zahtjevna građevinska određenja. Napraviti će se jedna kapija, jedan kvalitetni ulazni prostor s ciljem da se u datom momentu uvede tehnika plaćanja, odnosno naplate posjete i da se i na taj način ostvaruju neki dodatni prihodi, kako bi se eventualno mogli plaćati ljudi (2-3) koji bi radili i kao čuvari i kao turistički vodiči na toj našoj destinaciji. – Mora se izvršiti rekonstrukcija nastrešice koja je oštećena i moraju se prostori (sanitarni i prostor za kancelariju) dovesti u potpuno funkcionalno stanje, i sa svim ovim elementima o kojima sam govorio, mislim da ćemo dobiti zaista jedan kvalitetan podijum na kome ćemo moći da održavamo vrlo reprezentativne prezentacije, priredbe i održavanje svega onoga što je jako značajno i za sam grad Bobovac i općinu Vareš. – U dogovoru sa Elektroprivrednom učinit ćemo sve da se izvrši minimalno osvjjetljenje najneophodnijih dijelova prostora Bobovca.

Kad su u pitanju tekući poslovi, Općinski načelnik izvijestio je Vijeće o radovima na ljetnom održavanju puteva od strane JKP d.o.o. Vareš i Kantonalne Direkcije za ceste, napominjući na nedostatke prilikom održavanja putnog pravca od Pogari do Kopjara od strane Direkcije za ceste.

Parlamentarna skupština 24.06.2013. godine, održat će prvu raspravu na temu Ustavnih reformi pod monitoringom Američke ambasade. Uz saglasnost sa Kolegijom Parlamentarne skupštine BiH, bit će pozvana većina Načelnika koji su izrazili svoj interes da učestvuju u konačnim rješenjima oko Ustavnih reformi na nivou Federacije.

Također je izvijestio Vijeće o održanom sastanku sa kompletnom upravom JP ŠPD ZDK Zavidovići na kome su postignuti konkretni dogovori oko zajedničkih aktivnosti koje su u interesu i JP ŠPD ZDK Zavidovići i Općine Vareš, kao lokalne zajednice.

U toku su razgovori i pripreme sa pomoćnikom ministra za saobraćaj ZDK gosp. Akifom Smailhodžić, koji će zajedno sa ovlaštenom firmom uraditi projektni zadatak sa kojim će Vijeće biti upoznato. U planu je da Vijeće na sjednici iza godišnjih odmora, usvoji jedan Plan i Program, i da se izradi jedan Elaborat o vertikalnoj i horizontalnoj signalizaciji na području cijele općine Vareš uključujući i lokalne kategorisane i lokalne nekategorisane puteve.

Također je izvijestio Vijeće o radovima na obnovi unutrašnjosti zgrade Općine Vareš i planiranim aktivnostima koje se odnose na obnovu velike sale, te o izradi elaborata i programa za održavanje ljetne manifestacije koja će biti od kulturnog i strateškog značaja za općinu Vareš. Upoznao je Vijeće o posjeti i obilasku u mjesnim zajednicama, sastancima sa jako puno Savjeta mjesnih zajednica na kojima su u operativnom smislu dogovorene konkretne stvari, o kojima je i upoznao prisutne.

Predsjedavajući OV pozvao je vijećnike koji su dobili odgovore na postavljena vijećnička pitanja na 8. sjednici OV, da se izjasne o istim.

Vijećnica Safeta Muftić javila se za riječ i u svom obraćanju izjavila da je zadovoljna sa dostavljenim odgovorima na postavljena pitanja na 8. sjednici i u svoje lično ime i u ime mještana naselja Selište, zahvalila se Općinskom načelniku i nadležnim na realizaciji postavljanja javne rasvjete u dijelu naselja Selište.

(Vijećnička pitanja)

Tajiba Brkić

1. Traži od Općinskog načelnika da odgovori da li će se i kada pristupiti završetku radova na prilazu mjesnom greblju Glavica?
2. Da li se može postaviti pitanje Skupštini ZDK: Kada će se početi sa isplata studentstkih stipendija?

Elvir Rožajac

3. Traži od Općinskog načelnika i svih političkih partija koje učestvuju u općinskoj vlasti, vezano za liječenje naših pacijenata u Tešnju, da pokušaju u narednom periodu da riješe problem kako je to riješila i općina Olovo?
4. Traži od Općinskog načelnika da se pristupi nasipanju puteva u naseljima Golo Brdo i Mačak?

Za riječ se javio Općinski načelnik koji je usmeno odgovorio na postavljena pitanja i to:

- Odgovor na postavljeno pitanje broj 3. - „Kad je u pitanju liječenje, naš stav je jasan i on je definisan odlukom Vijeća. Mi smo se opredijelili i javno smo to podržali, da ćemo učiniti sve da u skladu sa pozitivnim zakonskim propisima obezbjedimo najjeftinije moguće liječenje i ako je to KC Sarajevo, onda ćemo se i opredijeliti prema KC Sarajevo“.
- Odgovor na postavljeno pitanje br. 4. – „Kad su u pitanju nekategorisani lokalni putevi na MZ Ravne i Zubeta, ja sam zajedno sa direktorom JKP d.o.o. Vareš i stručnim saradnikom za rad sa mjesnim zajednicama, podržao Savjet

mjesne zajednice na sastanku u Dolama. Na tom sastanku su dogovorene i precizirane obaveze i za nekategorisane puteve, uključujući i putni pravac prema Mačku, Hajdama, Golom Brdu itd. Većina tih poslova je odrađena na osnovu kako smo se dogovorili i na slijedeći način: jedan dio obaveza preuzela je na sebe PJ ŠPD Vareš (uradili su taj dio posla), drugi dio posla (ono što smo mi preuzeli na sebe) je da mi na osnovu odobrenih i planiranih sredstava od strane budžeta, izvučemo tampon, a da mještani razvlače taj po svojim nekategorisanim putevima. Mi smo svoj dio posla završili, dok mještani nisu.

Vijećnik Elvir Rožajac javio se za riječ i izjavio kao građanin a ne kao radnik Doma zdravlja, da je u obavezi i Vijeća i Općinskog načelnika da se potrude i olakšaju našim pacijentima, vezano za Klinički centar.

Mario Mirčić

5. Ispred grupe građana Vareš Majdana uputio je pitanje za firmu DD „Autotrans“ Vareš: „Zašto se ne funkcioniра gradski prijevoz Vareš-Vareš Majdan?

Ismet Abdulahović

6. Moli Općinskog načelnika i resornu službu da se izvidi mogućnost zaštite planine Perun (u smislu da se zabrani branje borovnica „češljem“) i da se preko eko policije Općine Vareš postave upozorenja i da se kazne oni koji to krše? (napominje da ovo pitanje može biti i kao inicijativa)
Skrenuo je pažnju na Poslovnik o radu OV, vezano da pod tačkom Vijećnička pitanja, ne mogu se voditi rasprave.

Đemo Kevrić

7. Traži da se ponovo uputi dopis Rudniku željezne rude Vareš, i da odgovore na dopis – pitanje koje im je dostavljeno preko Općinskog Vijeća, a na koje još nisu dostavili odgovor?

Podsjetio je na pitanje koje je postavio na pretprošnoj sjednici, koje se odnosi na sanaciju dijela puta Striježevo-Kokošćići (izvršeno je saniranje tog puta udarnih rupa, nije ništa rađeno na čišćenju kanala, pa se iskreno nada, jer operativnim programom rada mjesnih zajednica Striježevo i Kokošćići, da će doći i do realizacije tog preostalog dijela asfaltiranja puta između te dvije mjesne zajednice.

Mahira Brkić

8. Ispred grupe mještana Stupnog Dola postavila je pitanje: „Da li postoji mogućnost i ako postoji u kom periodu je moguće da se riješi kanalizacija jednog dijela Stupnog Dola (pola sela ima riješen odvod i kanalizaciju a pola sela nema)?

Općinski načelnik dao je usmene odgovore na slijedeća vijećnička pitanja:

- Odgovor na pitanje br. 5 – „Mi ćemo učiniti sve sa svoje strane, ako ne mognemo završiti na ovaj način sa DD „Autotransom“, tražit ćemo alternativu sa „Centrotransom“, „Bistursom“ ili „Ljaljičem“ . U principu nije samo ova navedena putna komunikacija problematična i mislim da ćemo u ovom prelaznom periodu naći neko rješenje za mjesne zajednice koje su pokazale interes (Budoželje, Dragovići,

Ligatići i Mižnovići) da se tri puta sedmično (ponedjeljak, srijeda i subota) organizuju prevozi do početka školske godine, s tim da ćemo animirati i ostale mjesne zajednice da vidimo kakav je interes, pa da nađemo jedno cjelovito i najpovoljnije rješenje“.

- Odgovor na pitanje br. 6. – „Snažno podržavam ovo pitanje odnosno inicijativu gospodina Abdulahovića i mi ćemo učiniti sve da se to uradi, s tim što nam tu treba malo pomoći kantona i ostale društveno-političke zajednice, jer to bi trebao zapravo da bude eko park i mi ćemo učiniti da se to uradi“.

- Odgovor na pitanje br. 7. – „Ako je to pitanje koje je proslijeđeno Rudarstvu, mi nemamo formalno-pravni mehanizam da prisilimo to preduzeće da odgovori na pitanje na način kako je to gosp. Đemo očekuje“.

„U vezi puta Striježevo-Kokošćići, ja sam u svom uvodnom izlaganju rekao što se tiče puta i zaista, mi ćemo u skladu sa svojim mogućnostima i sa budžetskim sredstvima, onim koji su projicirani za ljetno održavanje, učiniti sve da se ova putna komunikacija Striježevo-Kokošćići stavi u punu funkciju i nikad ona neće biti zadovoljavajuća ukoliko se ne obezbjedi kvalitetna kanalizacija i odvođenje. Taj put će se riješiti onog momenta kada bude potpuno spojena asfaltna komunikacija. Ovog momenta mi nemamo finansijska sredstva za takav zahtjevan posao, međutim u četverogodišnjem planu i to je predviđeno.

- Odgovor na pitanje br. 8. – „Njima je data ponuda, ali neće ljudi da rade. Neka dođe predsjednik mjesne zajednice, tačno proceduralno, kako je to i dogovoreno i napraviti ćemo posao, mi možemo obezbjediti minimalna sredstva, ali i oni moraju raditi“.

Predsjedavajući OV stavio je na raspravu Zapisnik sa 8. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 8. sjednice OV i nakon izjašnjavanja vijećnika konstatovao da je **Zapisnik sa 8. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 9. sjednicu OV.

Za riječ se javio Općinski načelnik Avdija Kovačević i zamolio predsjedavajućeg OV, zamjenicu predsjedavajućeg OV i vijećnike da tačka 4. prijedloga dnevnog reda za 9. sjednicu „ Prijedlog Odluke o izmjenama i dopunama Odluke o utvrđivanju platnih razreda i koeficijenata za obračun plaće državnih službenika i namještenika u Jedinostvenom općinskom organu uprave Općine Vareš i Stručnoj službi Općinskog vijeća i Općinskog načelnika“, bude povučena sa dnevnog reda. Također je predložio dopunu dnevnog reda današnje sjednice sa tačkom 6. „Prijedlog Rješenja o davanju saglasnosti Piljić (Ive) Željku iz Beča, Austrija, da može izvršiti promet nedovršenog stambenog objekta zajedno sa zemljištem koje služi za redovnu upotrebu, a koje se nalazi u Vareš Majdanu, ulica Čamilov potok br. 1“.

Predsjedavajući OV je konstatovao da je tačka 4. Prijedlog Odluke o izmjenama i dopunama Odluke o utvrđivanju platnih razreda i koeficijenata za obračun plaće državnih službenika i namještenika u Jedinostvenom općinskom organu uprave Općine Vareš i Stručnoj službi Općinskog vijeća i Općinskog načelnika“, povučena sa dnevnog reda današnje sjednice, na prijedlog ovlaštenog predlagача.

Zaključena je rasprava i predsjedavajući OV stavio je na izjašnjavanje prijedlog dnevnog reda za 9. sjednicu OV sa izmjenom i dopunom, te nakon izjašnjavanja vijećnika konstatovao da je **jednoglasno usvojen s l i j e d e ć i**

D n e v n i r e d

- 1. Prijedlog Odluke o promjeni statusa nepokretnosti.**
- 2. Prijedlog Odluke o izmjeni Odluke o raspodjeli sredstava za Klubove vijećnika političkih stranaka i vijećnika u Općinskom vijeću Vareš iz budžeta Općine Vareš za 2013. godinu.**

3. Prijedlog Odluke o izmjeni i dopunama Odluke o utvrđivanju standarda i kriterija za konačna imenovanja na pozicije u regulirane organe.
4. Prijedlog Rješenja kojim se privrednom društvu „EKO-ENERGY“ d.o.o. Tešanj, dodjeljuje neposrednom pogodbom neizgrađeno gradsko zemljište na korištenje radi izgradnje objekta strojare za MHE „Vareš“ Vareš.
5. Prijedlog Rješenja o stavljanju van snage Rješenja o imenovanju člana Općinske izborne komisije.
6. Prijedlog Rješenja o davanju saglasnosti Piljić (Ive) Željku iz Vareš Majdana, da može izvršiti promet nedovršenog stambenog objekta.
7. Inicijativa Općinskog načelnika za izmjenu Prostornog plana ZE-DO kantona, sa prijedlogom Zaključka.
8. Izvještaj o radu općinskog pravobranilaštva Vareš za 2012. godinu.
9. Izvještaj o radu JU „Centar za socijalni rad“ Vareš za 2012. godinu.
10. Informacija o ostvarivanju potreba stanovništva u oblasti socijalne zaštite na području općine Vareš.
11. Izvještaj o radu i poslovanju JPU „Dječiji vrtić“ Vareš u 2012.godinu.
12. Izvještaj o radu JU „Opća biblioteka“ Vareš za 2012. godinu.
13. Informacija o stanju i aktuelnoj problematici u obrazovanju na području općine Vareš.
14. Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2013. godinu.
15. Tekuća pitanja.

Ad. 1.

(Prijedlog Odluke o promjeni statusa nepokretnosti.)

Komisija za statutarna pitanja i propise na 6. sjednici održanoj 12.06.2013. godine, jednoglasno je donijela slijedeći Zaključak:

- **Komisija za statutarna pitanja i propise nema primjedbi na Prijedlog Odluke o promjeni statusa nepokretnosti., te je upućuje Vijeću na razmatranje.**

Otvorena je rasprava u kojoj su učestvovali vijećnici Đemo Kevrić i Mahira Brkić, te pomoćnik načelnika Ermin Musa koji je dao dodatno pojašnjenje i odgovorio na neka pitanja postavljena u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o promjeni statusa nepokretnosti, te nakon izjašnjavanje vijećnika konstatuje da je **jednoglasno usvojena**

Odluka o promjeni statusa nepokretnosti.

Ad.2.

(Prijedlog Odluke o izmjeni Odluke o raspodjeli sredstava za Klubove vijećnika političkih stranaka i vijećnika u Općinskom vijeću Vareš iz budžeta Općine Vareš za 2013. godinu.)

Komisija za statutarna pitanja i propise na 6. sjednici održanoj 12.06.2013. godine, jednoglasno je donijela slijedeći Zaključak:

- **Komisija za statutarna pitanja i propise nema primjedbi na Prijedlog Odluke o izmjeni Odluke o raspodjeli sredstava za Klubove vijećnika i političkih stranaka i vijećnika u Općinskom vijeću Vareš iz budžeta Općine Vareš za 2013. godinu, te je upućuje Vijeću na razmatranje.**

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjeni Odluke o raspodjeli sredstava za Klubove vijećnika političkih stranaka i vijećnika u Općinskom vijeću Vareš iz budžeta Općine Vareš za 2013. godinu, te nakon izjašnjavanja konstatuje da je **jednoglasno usvojena**

Odluka o izmjeni Odluke o raspodjeli sredstava za Klubove vijećnika političkih stranaka i vijećnika u Općinskom vijeću Vareš iz budžeta Općine Vareš za 2013. godinu.

Ad. 3.

(Prijedlog Odluke o izmjeni i dopunama Odluke o utvrđivanju standarda i kriterija za konačna imenovanja na pozicije u regulirane organe.)

Komisija za statutarna pitanja i propise na 6. sjednici održanoj 12.06.2013. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na Prijedlog Odluke o izmjeni i dopunama Odluke o utvrđivanju standarda i kriterija za konačna imenovanja na pozicije u regulirane organe, s tim da Vijeće donese Zaključak da se izvrše izmjene propisa u Javnim preduzećima i Javnim ustanovama prema ovoj Odluci.**

Sekretar OV Leon Pavlović ispred predlagača izjavio je da je ovlašteni predlagač prihvatio stav Komisije, da u roku od 30 dana od dana usvajanja ove Odluke, Javna preduzeća i Javne ustanove usklade svoja akta sa ovom Odlukom.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjeni i dopunama Odluke o utvrđivanju standarda i kriterija za konačna imenovanja na pozicije u regulirane organe uz predloženi Zaključak.

Nakon izjašnjavanja vijećnika predsjedavajući OV konstatuje da je **jednoglasno usvojena**

Odluka o izmjeni i dopunama Odluke o utvrđivanju standarda i kriterija za konačna imenovanja na pozicije u regulirane organe

i Zaključak:

- *Javna preduzeća i Javne ustanove u roku od 30 dana od dana usvajanja Odluke o izmjeni i dopunama Odluke o utvrđivanju standarda i kriterija za konačna imenovanja na pozicije u regulirane organe, uskladit će svoja akta sa ovom Odlukom.*

Ad. 4.

(Prijedlog Rješenja kojim se privrednom društvu „EKO-ENERGY“ d.o.o. Tešanj, dodjeljuje neposrednom pogodbom neizgrađeno gradsko zemljište na korištenje radi izgradnje objekta strojare za MHE „Vareš“ Vareš .)

Otvorena je rasprava u kojoj je vijećnik Elvir Rožajac iznio stav stranke „Naša stranka“.

Nije više bilo učesnika u raspravi i predsjedavajući OV stavio je na izjašnjanje Prijedlog Rješenja kojim se privrednom društvu „EKO-ENERGY“ d.o.o. Tešanj, dodjeljuje neposrednom pogodbom neizgrađeno gradsko zemljište.

Nakon izjašnjanja vijećnika predsjedavajući OV konstatuje da je sa **10 glasova „ZA“ , 6 glasova „PROTIV“ i 1 „SUZDRŽANIM“ glasom usvojeno**

Rješenje kojim se privrednom društvu „EKO-ENERGY“ d.o.o. Tešanj, dodjeljuje neposrednom pogodbom neizgrađeno gradsko zemljište.

Ad. 5.

(Prijedlog Rješenja o stavljanju van snage Rješenja o imenovanju člana Općinske izborne komisije.)

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Rješenja o stavljanju van snage Rješenja o imenovanju člana Općinske izborne komisije.

Nakon izjašnjanja vijećnika predsjedavajući OV konstatuje da je **jednoglasno usvojeno**

Rješenje o stavljanju van snage Rješenja o imenovanju člana Općinske izborne komisije.

Ad.6.

(Prijedlog Rješenja o davanju saglasnosti Piljić (Ive) Željku iz Vareš Majdana, da može izvršiti promet nedovršenog stambenog objekta.)

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Rješenja o davanju saglasnosti Piljić (Ive) Željku iz Vareš Majdana, da može izvršiti promet nedovršenog stambenog objekta.

Nakon izjašnjanja vijećnika predsjedavajući OV konstatuje da je **jednoglasno usvojeno**

Rješenje o davanju saglasnosti Piljić (Ive) Željku iz Vareš Majdana, da može izvršiti promet nedovršenog stambenog objekta.

Ad. 7.

(Inicijativa Općinskog načelnika za izmjenu Prostornog plana ZE-DO kantona, sa prijedlogom Zaključka.)

Otvorena je rasprava u kojoj su svoje primjedbe, prijedloge, stavove i mišljenja iznijeli vijećnici: Elvir Rožajac, Demo Kevrić, Boško Andrić, Ismet Abdulahović, Mahira Brkić, pomoćnik načelnika Ermin Musa koji je dao dodatno pojašnjenje za ovu tačku dnevnog reda.

Predsjedavajući OV, na traženje Kluba Hrvatske koalicije, dao je pauzu u trajanju od deset minuta.

Nastavljeno je sa radom današnje sjednice.

U daljnjoj raspravi su učestvovali vijećnici: Mario Mirčić i Zdenko Franjić.

Zaključena je rasprava i predsjedavajući OV stavio je na izjašnjavanje Inicijativu Općinskog načelnika za izmjenu Prostornog plana ZE-DO kantona, sa Prijedlogom Zaključka.

Nakon izjašnjavanja vijećnika predsjedavajući OV konstatuje da je sa **12 glasova „ZA“ i 4 glasa „PROTIV“ usvojena**

Inicijativa Općinskog načelnika za izmjenu Prostornog plana ZE-DO kantona, sa prijedlogom Zaključka.

Ad.8.

(Izvještaj o radu općinskog pravobranilaštva Vareš za 2012. godinu.)

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Izvještaj o radu općinskog pravobranilaštva Vareš za 2012. godinu.

Nakon izjašnjavanja vijećnika predsjedavajući konstatuje da je **jednoglasno prihvaćen**

Izvještaj o radu općinskog pravobranilaštva Vareš za 2012. godinu.

Ad. 9.

(Izvještaj o radu JU Centar za socijalni rad Vareš za 2012. godinu.)

Otvorena je rasprava u kojoj su svoje prijedloge, sugestije i mišljenja iznijeli vijećnici: Safeta Muftić, Elvir Rožajac, Demo Kevrić, Ismet Abdulahović, Općinski načelnik Avdija Kovačević, pomoćnik načelnika Rusmir Berberović i direktorica JU Centar za socijalni rad Vareš, koja je dala dodatna pojašnjenja i odgovorila na pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjavanje Izvještaj o radu JU Centar za socijalni rad Vareš u 2012. godini.

Nakon izjašnjavanja vijećnika predsjedavajući OV konstatuje da je **jednoglasno prihvaćen**

Izvještaj o radu JU Centar za socijalni rad Vareš za 2012. godini.

Ad. 10.

(Informacija o ostvarivanju potreba stanovništva u oblasti socijalne zaštite na području općine Vareš.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o ostvarivanju potreba stanovništva u oblasti socijalne zaštite na području općine Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

Informacija o ostvarivanju potreba stanovništva u oblasti socijalne zaštite na području općine Vareš.

Ad. 11.

(Izveštaj o radu i poslovanju JPU „Dječiji vrtić“ Vareš u 2012. godini.)

Otvorena je rasprava u kojoj su učestvovali vijećnici: Safeta Muftić, Elvir Rožajac, pomoćnik načelnika Rusmir Berberović, Općinski načelnik Kovačević Avdija i predsjedavajući OV Zdravko Marošević.

Zaključena je rasprava i predsjedavajući OV stavio je na izjašnjavanje Izvještaj o radu i poslovanju JPU „Dječiji vrtić“ Vareš za 2012. godinu.

Nakon izjašnjavanja predsjedavajući OV konstatuje da je **jednoglasno prihvaćen**

Izveštaj o radu i poslovanju JPU „Dječiji Vrtić“ Vareš u 2012. godinu.

Ad. 12.

(Izveštaj o radu JU Opća biblioteka Vareš za 2012. godinu.)

Otvorena je rasprava u kojoj su učestvovali vijećnici: Boško Andrić, Demo Kevrić, Safeta Muftić, Elvir Rožajac i direktorica Jasmina Šijak koja je dala dodatno pojašnjenje i odgovorila na pitanja postavljena u raspravi.

Zaključena je rasprava i predsjedavajući OV stavio je na izjašnjavanje Izvještaj o radu JU Opća biblioteka Vareš za 2012. godinu.

Nakon izjašnjavanja vijećnika predsjedavajući OV konstatuje da je **jednoglasno prihvaćen**

Izveštaj o radu JU Opća biblioteka Vareš za 2012. godinu.

Predsjedavajući OV dao je pauzu u trajanju od 60 minuta.

Ad. 13.

*(Informacija o stanju i aktuelnoj problematici
u obrazovanju na području općina Vareš.)*

Ispred predlagača pomoćnik načelnika Rusmir Berberović upoznao je Vijeće sa tehničkom greškom na str. br. 2. u Informaciji o kojoj je upoznao Vijeće.

Otvorena je rasprava u kojoj su svoje prijedloge i mišljenja iznijeli vijećnici: Elvir Rožajac, Mario Mirčić, predsjedavajući OV Zdravko Marošević i pomoćnik načelnika Rusmir Berberović koji je dao dodatno pojašnjenje i odgovorio na pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjavanje Informaciju o stanju i aktuelnoj problematici u obrazovanju na području općine Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

*Informacija o stanju i aktuelnoj problematici
u obrazovanju na području općine Vareš.*

Ad. 14.

*(Program utroška sredstava sa kriterijima raspodjele sredstava
„ Subvencije za razvoj poljoprivrede“ utvrđenih budžetom Općine Vareš za 2013. godinu.)*

Ispred predlagača Dragan Orozović upoznao je Vijeće sa ispravkom u Programu, a odnosi se na vrijednost poticajnih mjera ZE-DO kantona, tako da umjesto iznosa od 2.000.000,00 KM treba da stoji iznos od 1.000.000,00 KM, o čemu je dao i objašnjenje.

Otvorena je rasprava u kojoj su svoje prijedloge, sugestije i mišljenja iznijeli vijećnici: Tajiba Brkić i Elvir Rožajac.

Predsjedavajući OV na osnovu iznesenih prijedloga i sugestija u raspravi dao komentar u kome je naglasio da je saradnja lokalne zajednice veoma važna za ovu problematiku, te da se od nadležnih ministarstava pokušaju tražiti dodatna sredstva za poticaj poljoprivrede i po mogućnosti, u budžetu Općine planirati više sredstava za ovu oblast.

Predsjedavajući OV stavio je na izjašnjavanje Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2013. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

*Program utroška sredstava sa kriterijima raspodjele sredstava
„ Subvencije za razvoj poljoprivrede“ utvrđenih budžetom Općine Vareš za 2013. godinu.*

Ad. 15.

(Tekuća pitanja.)

1. Predsjedavajući OV obavijestio je prisutne o Izvještaju o izvršenim aktivnostima čišćenja i uređenja grada Vareša, dostavljenom od strane Službe za civilnu zaštitu.

Općinski načelnik Avdija Kovačević izvijestio je prisutne da je ovaj Izvještaj odraz činjeničnog stanja svih provedenih aktivnosti koje su urađene, i da će to u narednom

periodu biti naš kontinuiran zadatak, s tim što će se voditi računa, da se zaista napravi jedan cjelovit plan i program, da se tačno definiše šta je to ljetno, proljetno a šta je „predzimsko“ održavanje i čišćenja grada.

Također je upoznao prisutne o obnovi željezne ograde od Separacije pa do završetka Kapitalne zgrade, te da je u sklopu Programa ljetnog održavanja puteva, dogovoreno da 1/3 troškova, u tom smislu, snosi gosp. Emsudin Operta, 1/3 Rudarstvo Vareš i 1/3 Općina Vareš. U narednom periodu planira se sanacija željeznih ograda i određenih promjena na svim mostovima na rijeci Stavnji.

Predsjedavajući OV Zdravko Marošević u svom obraćanju sugerisao je da se u narednom periodu ovakve akcije prošire i na mjesne zajednice, naglašavajući da se na područjima mjesnih zajednica i sela, akcije čišćenja sprovode svakog proljeća, te je izvijestio prisutne o sprovedenim aktivnostima čišćenja u MZ Vijaka.

Vijećnik Salketić Jasmin upoznao je prisutne o sprovedenim akcijama čišćenja u MZ Dabravine.

Vijećnik Elvir Rožajac skrenuo je pažnju na smeće koje se odbacuje uz put kroz Zvijezdu i sugerisao da se preko nadležnih sankcionišu osobe koje to rade u gradu i na selima.

Vijećnik Demo Kevrić ispred Kluba BPS sugerisao je da se prilikom izrade ovakvih izvještaja prikažu i finansijski pokazatelji o utrošenim sredstvima.

Za riječ se javio pomoćnik načelnika Željko Franjić koji je izjavio da se ovaj Izvještaj odnosi samo na aktivnosti mjesnih zajednica Vareš i Vareš Majdan, odnosno na uređenje grada, i da se u narednom periodu u ovakve aktivnosti uključe i mjesne zajednice, (napominjući da mjesne zajednice i same organizuju čišćenja.) koje bi preko predsjednika mjesnih zajednica dostavile izvještaj o sprovedenim aktivnostima, kako bi se napravio jedinstven Izvještaj.

2. Predsjedavajući OV upoznao je prisutne sa dostavljenim dopisom od strane mjesnih zajednica Duboštica, Pogar, Borovica i Strica-Zaruđe, koji se odnosi na probleme lokalne putne mreže.

Vijećnik Almir Ciriković javio se za riječ i upoznao prisutne o potrebnim i planiranim aktivnostima u vezi zaštite lokalne putne mreže.

Vijećnik Emir Islamović upoznao je prisutne o aktivnostima JP ŠPD d.o.o. Zavidovići na području MZ Strica-Zaruđe i izjavio da JP ŠPD d.o.o. Zavidovići poduzima sve aktivnosti u svojoj nadležnosti, da se zaštite lokalni putevi prilikom sječe i eksploatacije šume.

Općinski načelnik izvijestio je prisutne o održanom radnom sastanku na kome je kao član Komisije ispred Vlade ZDK bio prisutan gosp. Akif Smailhodžić. Na sastanku je u sklopu definisanja opštih redova vožnje na prostoru općine Vareš i zbog sveukupnih odnosa kad je u pitanju naš putnički transport i organizacija saobraćaja, dogovoreno da nam gosp. Akif Smailhodžić uradi projektni zadatak koji bi trebao biti gotov u narednih 10-15 dana, tako da bismo na narednoj sjednici Vijeća imali razmatranje tog projektnog zadatka koji bi podrazumijevao izradu cjelovitog jednog elaborata koji bi apsolutno definisao sve i ove stvari koje su navedene u dopisu koji smo dobili od mjesnih zajednica. Po razmatranju i usvajanju takvog jednog elaborata i njegovim stupanjem na snagu moramo završiti određene stvari, kad je u pitanju neophodna infrastruktura koja će podrazumijevati da mi na osnovu tog elaborata, urađene vertikalne i horizontalne signalizacije, možemo pristupiti sankcijama uz pomoć PU Vareš.

Predsjedavajući OV je na osnovu izlaganja i prijedloga Općinskog načelnika stavio na izjašnjanje sljedeći

Zaključak:

- **Obavezuje se Općinski načelnik da na osnovu prijedloga Zaključka, kojeg je iznio u raspravi i na osnovu dostavljenog dopisa od strane mjesnih zajednica: Duboštica, Pogar, Borovica i Strica-Zaruđe, pristupi rješavanju problema vezano za regulisanje saobraćaja na nekategorisanim i kategorisanim lokalnim putevima općine Vareš.**

Nakon izjašnjavanja vijećnika predsjedavajući OV konstatuje da je predloženi Zaključak **jednoglasno usvojen.**

3. Predsjedavajući OV upoznao je prisutne o dostavljenim Inicijativama u obliku Zaključaka od strane Općinskog načelnika i to:

1. - **Prihvata se prijedlog Općinskog načelnika za izradu projekta saobraćajne vertikalne, horizontalne i svjetlosne signalizacije za katastar, regionalnih i lokalnih puteva na području općine Vareš.**

- **Za realizaciju ovog Zaključka zadužuje se Općinski načelnik i nadležna Služba za upravu općine Vareš.**

- **Ovaj Zaključak stupa na snagu danom donošenja.**

2. - **Prihvata se Inicijativa Općinskog načelnika o upućivanju zahtjeva Vladi ZDK za preraspodjelu sredstava od neto dobiti, ostvarenih od strane JP ŠPD ZDK d.o.o. Zavidovići, gazdovanjem nad šumama na općini Vareš, za održavanje lokalnih i nekategorisanih puteva na području općine Vareš.**

- **Ovaj Zaključak sa obrazloženjem upućuje se Vladi ZDK i Skupštini JP Šumsko Privredno Društvo ZDK d.o.o. Zavidovići**

- **Za realizaciju ovog Zaključka zadužuje se Općinski načelnik i nadležna Služba za upravu općine Vareš.**

- **Ovaj Zaključak stupa na snagu danom donošenja.**

Nije bilo rasprave i predsjedavajući OV stavio je na izjašnjavanje predložene Zaključke, te nakon izjašnjavanja vijećnika konstatuje da su **jednoglasno usvojeni predloženi Zaključci.**

4. Predsjedavajući OV upoznao je prisutne o Inicijativi za donošenje Odluke o zabrani nastavka sječe i eksploatacije šume, izvlačenja šumskih drvnih sortimenata na području općine Vareš, dostavljenoj od strane Općinskog načelnika.

Za riječ se javio Općinski načelnik koji je upoznao Vijeće o održanom sastanku sa Načelnikom općine Olovo gosp. Kemalom Memagić i obzirom da se ima jedna potpuna sinhronizacija aktivnosti kad je u pitanju usvajanje i donošenje Zakona o šumama, dogovoreno je da istovremeno, OV Vareš danas a sutra OV Olovo, pokrenu istu ovu Inicijativu i ja sam analogno sa našim dogovorom, jutros održao međustranački sastanak na kome se prije današnje sjednice Vijeća, razmatrala ova Inicijativa. Općinski načelnik upoznao je prisutne sa sadržajem Inicijative o kojoj je dao i dodatno obrazloženje. Pozvao je Vijeće da usvoji ovu Inicijativu i predložio slijedeći Zaključak:

– **Da se u skladu sa članom 57. Poslovnika o radu Općinskog vijeća Vareš zakaže održavanje Tematske sjednice OV koja će se održati 04.07. 2013. godine, posvećena ovom pitanju, da bismo se mi mogli dodatno pripremiti i donijeti Odluku o zabrani sječe šume na ovim prostorima.**

Slijedeći korak pored toga bi bio da mi u dogovoru sa Općinom Olovo, najvjerojatnije, pristupimo jednostranom formiranju JP ŠPD sa sjedištem u Varešu, i počnemo gazdovati sa šumama na zakonit način onako kako to radi općina Konjic u skladu sa Zakonom.

U raspravi su učestvovali i iznijeli svoje prijedloge, sugestije, stavove i mišljenja vijećnici: Elvir Rožajac, Tajiba Brkić, Emir Islamović, Mario Mirčić, Mahira Brkić, Ismet Abdulahović, Zdravko Barkić i Boško Andrić.

Zaključena je rasprava i predsjedavajući OV stavio je na izjašnjanje slijedeći

Zaključak:

- Prihvata se Inicijativa Općinskog načelnika za donošenje Odluke o zabrani sječe i eksploatacije šume, izvlačenja šumskih drvnih sortimenata na području općine Vareš.

Kolegij OV će utvrditi termin održavanja Tematske sjednice posvećene pitanju problema vezano za šume.

Općinski načelnik i nadležne Službe će pripremiti materijale za Tematsku sjednicu i osigurati sve potrebne predradnje za efikasno održavanje sjednice.

Nakon izjašnjanja vijećnika predsjedavajući OV konstatuje da je **jednoglasno usvojen predloženi Zaključak.**

5. Predsjedavajući OV upoznao je prisutne o Inicijativi za donošenje Odluke o izmjenama i dopunama Odluke o organizaciji općinskih Službi za upravu Općine Vareš i Stručne službe Općinskog vijeća i Općinskog načelnika, dostavljenoj od strane Općinskog načelnika.

Za riječ se javio Općinski načelnik koji je prisutne upoznao sa Inicijativom i o njoj dao pojašnjenje, te predložio Vijeću da prihvati Inicijativu i zaduži Općinskog načelnika da izradi prijedlog navedenog akta u roku od 30 dana i isti dostavi OV na razmatranje.

Nije bilo rasprave i predsjedavajući OV stavio je na izjašnjanje slijedeći

Zaključak:

- Prihvata se Inicijativa Općinskog načelnika za donošenje Odluke o izmjenama i dopunama Odluke o organizaciji općinskih Službi za upravu Općine Vareš i Stručne službe Općinskog vijeća i Općinskog načelnika s obrazloženjem datim uz Inicijativu.

Zadužuje se Općinski načelnik da izradi prijedlog navedenog akta u roku od 30 dana i isti dostavi Općinskom vijeću na razmatranje.

Nakon izjašnjanja vijećnika predsjedavajući OV konstatuje da je **jednoglasno usvojen predloženi Zaključak.**

6. Predsjedavajući OV upoznao je prisutne sa Inicijativom Općinskog načelnika za izradu Nacrta „Strategije kulturne politike Općine Vareš 2014-2019“.

Predsjedavajući OV dao je komentar na predloženu Inicijativu i naglasio da je ovo temeljito i sistemsko pristupanje rješavanja jednog dijela društvenog življenja.

Nije više bilo učesnika u raspravi i predsjedavajući OV stavio je na izjašnjanje predloženu Inicijativu uz

Zaključak:

- Prihvata se Inicijativa Općinskog načelnika za izradu Nacrta „Strategije

kulturne politike Općine Vareš 2014-2019“.

Zadužuje se Općinski načelnik i Služba za društvene djelatnosti i boračko-invalidsku zaštitu da pristupi aktivnostima na izradi Nacrta „Strategije kulturne politike Općine Vareš 2014-2019“.

Nakon izjašnjavanja vijećnika predsjedavajući OV konstatuje da je **jednoglasno usvojena Inicijativa i predloženi Zaključak.**

7. Predsjedavajući OV upoznao je prisutne sa Inicijativom Općinskog načelnika da Općinsko vijeće, na jednoj od narednih redovnih sjednica, donese akt prema kojem će se redovne sjednice Općinskog vijeća Vareš održavati posljednjeg četvrtka u mjesecu, po završetku radnog vremena.

U raspravi su učestvovali predsjedavajući OV Zdravko Marošević, te vijećnici Elvir Rožajac i Đemo Kevrić.

Nakon rasprave predsjedavajući OV predložio je Vijeću da usvoji Inicijativu uz slijedeći

Zaključak:

- **Redovne sjednice Općinskog vijeća održavat će se u toku posljednje sedmice (tjedna) u toku mjeseca, radnim danom, po isteku redovnog radnog vremena u 15,30 sati, izuzev u dane petak, subota i nedjelja.**
- **Zadužuje se Općinski načelnik, da obezbjedi sve potrebne uslove za normalno održavanje sjednica Općinskog vijeća poslije radnog vremena.**
- **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je **jednoglasno prihvaćena Inicijativa i usvojen predloženi Zaključak.**

8. Predsjedavajući OV upoznao je prisutne sa sadržajem Zahtjeva za sanaciju puta u zaseoku Mlinčić, dostavljenom Općinskom vijeću i Općinskom načelniku od MZ Stupni Do općina Vareš.

Za riječ se javio Općinski načelnik i predložio da se Zahtjev u potpunosti odbije.

Predsjedavajući OV zatražio je od Općinskog načelnika da stupi u kontakt sa mjesnom zajednicom po pitanju problema koji je iznesen u Zahtjevu i da se isti pokuša riješiti.

U daljoj raspravi su učestvovali vijećnici: Ismet Abdulahović i Zdravko Barkić i predsjedavajući OV Zdravko Marošević.

Nakon rasprave predsjedavajući OV konstatuje da **Vijeće sugeriše Općinskom načelniku da stupi u kontakt sa MZ Stupni Do, i pokuša iznaći način za rješavanje navedenog problema u MZ Stupni Do.**

9. Predsjedavajući OV upoznao je prisutne sa sadržajem Urgencije za dostavu saglasnosti Općinskog vijeća za provođenje postupka dodjele koncesije za male hidroelektrane: „Tribija“ snage 840 kW i „UŠČE“ snage 405 kW na rijeci Tribiji, općina Vareš na području ZDK, a na osnovu samoinicijativne ponude „HIDROCON“ d.o.o. Sarajevo. Urgencija je dostavljena Općinskom vijeću i Općinskom načelniku od strane Ministarstva za poljoprivredu, šumarstvo i vodoprivredu, a na osnovu dopisa broj: 05-25-1211-6/11 od 09.01.2012. godine.

Otvorena je rasprava u kojoj su učestvovali i iznijeli svoje prijedloge, mišljenja i stavove predsjedavajući OV Zdravko Marošević i vijećnici: Ismet Abdulahović (koji je predložio da se bez saglasnosti mjesnih zajednica, lokalne zajednice i Općinskog vijeća ne mogu sprovoditi ovakve i slične aktivnosti) i Mato Pavić, te pomoćnik načelnika Ermin Musa koji je dao određena pojašnjenja u vezi gore navedenih dopisa.

10. Zamjenica predsjedavajućeg OV Mahira Brkić uputila je apel Općinskom načelniku i Općinskom vijeću da se iznađe mogućnost pristupanju asfaltiranja dijela puta na Selištu, o čemu je dala i obrazloženje.

Za riječ se javio Općinski načelnik i upoznao prisutne da su u toku radovi na asfaltiranju puta Strica-Zaruđe, te da se polovinom iduće sedmice, na osnovu prošlogodišnjih ugovora, počinje sa asfaltiranjem puta Slivno-Neprivaj, te radovi na mostu Hodžiči u Dabravinama (kombinovana aktivnost Općine Vareš i ODRAZ-a). U toku je pregovarački postupak u vezi prihvatanja duga firme „JATA“ u ime Rudarstva i iz tih sredstava će se asfaltirati put od Partizana do Osnovne škole prema Čamilovom potoku koji će ići makadamskim putem do zgrade Hitne pomoći. U vezi naselja Selište, Nikovac i Matijevići, dogovoreno je sa BH Telecomom da će oni pristupiti asfaltiranju dijela puta u navedenim naseljima, jer je to njihova obaveza. Također je Općinski načelnik upoznao prisutne o planiranim aktivnostima na asfaltiranju puta od raskršća tzv. Duvajnica u Očeviji, na raskršću prema Ligatičima i Mižnovićima.

11. Vijećnik Elvir Rožajac postavio je pitanje u vezi asfaltiranja puta u naselju Novakovići.

12. Sekretar OV Leon Pavlović zamolio je Vijeće da donese Zaključak o potvrđivanju Rješenja o imenovanju Popisne komisije Općine Vareš u sastavu: Leon Pavlović predsjednik, Miralem Musa geometar član, Divna Semunović član i Dragan Sekulić član. Rješenje je doneseno od strane Općinskog načelnika i sve zakonske procedure su ispoštovane.

Nije bilo učesnika u raspravi i predsjedavajući OV stavio je na izjašnjavanje slijedeći

Zaključak:

- **Općinsko vijeće donosi Zaključak o potvrđivanju Rješenja Općinskog načelnika o formiranju Popisne komisije Općine Vareš za popis stanovništva, domaćinstava i stanova u BiH 2013. godine, broj: 02-685/13 od 18.06.2013. godine.**

Sastavni dio ovog Zapisnika je audio zapis sjednice.

Sjednica je završena u 14 sati i 30 minuta.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALAČI

Zdravko Marošević